

v. 4. 2. Timot. 1. v. 2. tum propter aeternam a Patre generationem, Joh. 1. v. 1. Ut mens cogitando verbum intra se generat, & sic generat verbum de se, ut genitum habeat apud se; sic Verbum divinum in ipso Patre manet, a quo gignitur. Fulgent. lib. 3. ad Monim. Filius dicitur Verbum, dicunt Græci Patres, διὰ τὸ ἀπαθὲς τῆς γενήσεως, διὰ τὸ συναφές, & quia est εἰκὼν καὶ χαρακτήρ τῆς γενήσαντος ὅλον ἐν ἑαυτῷ δεῖκνός τὸν γενήσαντα ἕδεν ἐκεῖθεν ἀπομερίσας καὶ τέλει ὑπάρχων καθ' ἑαυτὸν ὡς ὁ ἡμεῖς λόγος ὅλην ἡμῶν ἀπεικονίζει τὴν ἐννοίαν. Plura similitudinis ac dissimilitudinis inter λόγον illum divinum & λόγον nostrum humanum membra videri possunt in egregio tract. Dn. D. Meisneri, Theologi Clarissimi, amici nostri singulariter honorandi ac dilecti, quem vocat Λογολογίαν. Characteristica ergo secundæ personæ, Filii sc. proprietates est, quod ab æterno a Patre est genitus, & cum Patre ab æterno spirat Spiritum sanctum, quia relatio illa, qua Filius ad Patrem refertur, est realiter eadem cum relatione, qua refertur ad Spiritum S. unde veteres proprietatem Filii vocant γέννησιν, per quam proprietates Filii statuitur generatio, qua ab æterno a Patre nascitur, ita tamen ut non excludatur spiratio, qua ab æterno una cum Patre spirat Spiritum sanctum.

3. Tertium testem Apostolus vocat Spir. S. qui est tertia Trinitatis persona, cui peculiariter hoc nomen tribui consuevit. Psalm. 51. 15. Esa. 63. v. 10. Luc. 3. v. 22. &c. Augustinus lib. 5. de Trin. c. 11. Pater & Filius & Spiritus sanctus, quoniam unus Deus & utique Deus sanctus est, & Deus spiritus est, potest appellari Trinitas & Spiritus sanctus, sed tamen ille Spiritus sanctus, qui non Trinitas, sed in Trinitate intelligitur, in eo quod proprie dicitur Spiritus sanctus relative dicitur, cum & ad Patrem & Filium refertur, quia S. S. & Patris & Filii Spiritus est, sed ipsa relatio non apparet in hoc nomine, apparet autem cum dicitur Dei donum &c. Dicitur hic testis Spiritus non solum ratione essentiae, quia est essentia spiritualis ἀσώματος & incorporea, Joh. 4. v. 24. (eam enim cum Patre & Filio com-

com-